

Na osnovu odredi Pravilnika o ishrani učenika u osnovnim i srednjim školama Kantona Sarajevo i Odluke Školskog odbora broj: 06-49-1-4968/2023 od 25.12.2023. godine JU Srednjoškolski centar Hadžići raspisuje:

## **JAVNI OGLAS** **za prikupljanje pismenih ponuda za izdavanje školske kantine pod zakup**

**Predmet poziva:** Izdavanje školskog prostora za izdavanje školske kantine pod zakup u 2024. godini

**Namjena:** Školska kantina površine 16 m<sup>2</sup>, u ulici 6.mart br. 19. Hadžići

**Pravo učešća:** Ponude mogu dostaviti sva pravna i fizička lica registrovana za obavljanje ugostiteljsko -uslužnih djelatnosti (pripremanje i prodaja hrane i bezalkoholnih pića za 669 učenika i 90 radnika škole).

**Vrijeme izdavanja:** Godinu dana.

**Uslovi koje mora ispunjavati ponuđač su slijedeći:**

- a) da u svom poslovanju osigura nesmetanu provedbu propisa o hrani. Kamini ili kuhinje u kojima se priprema hrana moraju biti opremljeni po propisima koje zahtijevaju posebni propisi Zakona o hrani i Pravilnika o higijeni ishrane;
- b) da posjeduje certifikate kojima se potvrđuje da ponuđač zadovoljava određene standarde osiguranja kvaliteta prehrambenih proizvoda i zdravstvene sigurnosti;
- c) da svi proizvodi imaju deklaraciju koja ispunjava uslove Pravilnika o deklarisanju, a ponuđač je dužan navesti Nutritivnu deklaraciju koja daje informaciju o nutritivnoj vrijednosti hrane.

**Napomena:** U skladu s članom 8. Pravilnika o ishrani učenika u osnovnim i srednjim školama Kantona Sarajevo ("Službene novine Kantona Sarajevo" broj: 2/18) u asortimanu ponuđenih proizvoda isključiti sve proizvode nezdrave hrane (čips, smoki, krofne, pomfrit, gazirani sokovi i sl.).

**Uz prijavu na Javni oglas obavezno se prilažu:**

- Ponuda koja sadrži tačan naziv, adresu i broj telefona ponuđača, ponuđenu cijenu zakupa, ponuđeni asortiman proizvoda hrane (vrste sa težinom i cijenom)
- Aktuelni izvod iz Sudskog registra (ne stariji od 6 mjeseci – za pravna lica)
- Dokaz o registraciji za obavljanje ugostiteljsko-uslužnom djelatnošću/ priprema i prodaja hrane (ne stariji od 3 mjeseca – za fizička lica),
- Uvjerenje o poreznoj registraciji,
- Ovjerena izjava ponuđača o načinu organizacije rada školske kantine,
- Međunarodni certifikat HACCP (ovjerena kopija ne starija od 6 mjeseci)

- Certifikate o kvaliteti i zdravstvenoj sigurnosti ( ISO 9000 i ISO 22000) (ovjerena kopija ne starija od 6 mjeseci)
- Ovjerena izjava ponuđača da će poslovni prostor uzeti u viđenom stanju i isti privesti namjeni sopstvenim sredstvima.
- Izjava ponuđača da troškove eventualne popravke, adaptacije i održavanja preuzima na svoj teret bez prava refundiranja po bilo kom osnovu, odnosno bez prava umanjenja mjesečne zakupnine po osnovu uloženi sredstava
- Reference i preporuke

Kriteriji za izbor najpovoljnijeg ponuđača:

- Početna cijena zakupnine
- Ponuđeni iznos zakupnine ne može biti manji od 800,00 KM
- Kvalitet asortimana roba i usluga (dokaz: Certifikat HACCP)
- Napovoljnije cijene artikala za ishranu uz garanciju kvalitete (dokaz: cjenovnik proizvoda i usluga i certifikati ISO 9000 i ISO 22000)
- Način na koji će se organizirati rad školske kantine (dokaz – ovjerena izjava o radnom vremenu)
- Reference o dosadašnjem radu (dokaz: preporuke i reference).

### **Oglas ostaje otvoren 8 (osam) dana od dana objavljivanja**

Škola ne snosi nikakvu odgovornost ni troškove ponuđača, te zadržava pravo da izvrši izbor najpovoljnijeg ponuđača, odbije ponudu prije isteka roka u slučaju da se ugovarač ne pridržava kućnog reda škole i ugovora o zakupu. Sva prava i obaveze između Škole i izabranog ponuđača precizirat će se i urediti Ugovorom o zakupu.

### **Način podnošenja ponude:**

Pisane ponude sa dokazima dostaviti u zapečaćenoj koverti direktno na protokol Škole ili putem pošte sa naznakom „PRIJAVA NA JAVNI OGLAS ZA PRIKUPLJANJE PISMENIH PONUDA ZA IZDAVANJE ŠKOLSKE KANTINE POD ZAKUP - NE OTVARAJ“, na adresu: JU Srednjoškolski centar Hadžići, adresa 6.mart 19. Hadžići.

Nepotpune i neblagovremene prijave neće se uzeti u razmatranje. Rezultati izbora najpovoljnije ponude bit će objavljeni na oglasnoj ploči škole, najkasnije 10 dana od dana zatvaranja oglasa.